

樂陵縣志卷之六

人物志

韓子云世之所謂士者一凡人譽之輒自以爲有餘一凡人沮之輒自以爲不足信如斯言則譽與沮俱不足道若是乎蓋棺論乃定也夫王生於山而成珪璋之用者琢磨之力也木生於山而勝棟梁之任者繩墨之功也樂陵前輩磊磊落落於天壤間代不乏人雖地靈固殊哉亦由其發憤刻勵能自拔於儕

俗也志人物

名賢

漢

東方朔字曼倩猷次人

建安中分猷次爲樂陵郡

武帝時上

書稱旨待詔金馬門建元間帝欲爲上林苑

朔上書曰酇郛之間號爲土膏務苑囿之大

不恤農時非所以強國富人也拜朔爲大中

大夫時俗侈靡百姓多離農畝朔陳孝文節

儉諷帝燔甲乙之帳却走馬又陳農戰強國

之計帝爲竇太主置酒宣室使謁者引內所
幸董偃朔辟戟而前曰偃有斬罪三安得入
乎帝曰善晉夏侯湛稱之曰正諫以明節詎
諧以取容潔其道而穢其跡清其質而濁其
文雄節邁倫高氣蓋世宋元豐間追封知辯
侯

成翊世字季明平原樂陵人好學明道術少爲
郡吏嘗諫鄧太后歸政後安帝徵爲尙書郎
延光中中常侍樊豐等譖太子保翊世上書

訟之深言樊豐等誣罔之狀豐等因陷以罪
下獄免歸及太子保立是爲順帝徵拜議郎
不受執政者交引之除尚書正色立朝百僚
敬憚

苑

一作范

康字仲具重合人

後漢書注重合故城在滄州樂陵縣東

少受業太學與郭林宗親善舉孝廉遷潁陰
令有能跡又遷泰山太守郡內豪姓多不法
康至奮威施嚴令莫干犯者先所請奪人田
宅皆還還之是時山陽張儉殺常侍侯覽母

案其族黨賓客或有逃匿泰山界者康常疾
閹官因此皆窮極收掩無得遺脫覽大怨之
誣康與兗州刺史第五種及都尉壺嘉詐上
賊降徵康詣廷尉減死罪一等徙日南潁陰
人及泰山羊陟等詣闕爲訟乃原還本郡卒
於家

晉

石鑒字林伯樂陵猷次人出自寒素雅志公廉
仕魏累遷御史中丞多所糾正朝廷憚之出

樂陽縣志 卷之六 人物
爲并州刺史及晉受禪封堂陽子轉尙書都
督隴右坐論功虛免官後爲豫州刺史累官
至司空武帝崩與張劭監統山陵時汝南王
亮與太傅楊駿有隙不敢臨喪營城外或告
亮欲舉兵討駿駿白太后詔鑒及劭率兵討
亮劭駿甥也催鑒速發鑒以爲不然持之已
而亮果還於是駿止論者服其識元康初爲
太尉歲八十餘慷慨若少年卒諡元

北魏

朱元旭字君昇本樂陵人祖霸投劉義隆遂居
青州之樂陵元旭頗涉子史除尚書度支郎
中神龜末以郎選不精大加沙汰元旭與辛
雄祖瑩羊深源子恭並以才用見留加鎮遠
將軍兼尚書右丞天平中拜尚書右丞除驃
騎將軍義州刺史

唐

高適字達夫渤海人

康熙間奉文祀
樂陵鄉賢祠

年五十始

爲詩舉有道科中第爲哥舒翰掌書記祿山

亂拜適左拾遺佐翰守潼關翰敗帝問羣臣
策適請竭禁藏募死士抗賊不省天子西幸
適走間道及帝於河池因言諸將不恤軍務
一二中人監軍更用事是能取勝哉俄遷侍
御史擢諫議大夫負氣敢言權近側目段子
璋反適從崔光遠討斬之光遠兵不戢天子
罷光遠以適代爲西川節度使廣德元年召
還爲刑部侍郎左散騎常侍封渤海縣侯卒
諡忠生平高節義以功名自許其貽書賀蘭

進明使救梁宋以親諸軍與許叔冀書令釋憾未渡淮移檄將校絕永王君子以爲義而知變

宋

趙鎔字化鈞樂陵人少涉獵文史美書翰以刀筆事太宗於藩邸及卽位補東頭供奉官遷六宅使領羅州刺史掌翰林司擢東上閤門使知滄州兼兵馬部署完城塹嚴戰具冠嘗數百騎至境上聞有脩引去遷左神武大將

軍會崔翰知州改鎔爲本州鈐轄又知廬州
踰年召爲樞密都承旨同掌三班俄拜宣徽
北院使同知樞密院事與柴禹錫並掌機務
禹錫出鎮鎔加知院事真宗卽位改南院使
檢校太傅以心疾求解授壽州觀察使咸平
元年三月卒年五十五贈忠正軍節度錄其
三子

呂頤浩字元直樂陵人徙齊州舉進士爲密州
司戶叅軍伐燕之役浩以轉輸隨种師道至

白溝旣得燕山爲燕山府路轉運使奏開邊
極遠其勢難守雖窮力竭財無以善後又奏
燕山河北危急五事願博議久長之策徽宗
怒命褫職貶官尋復焉進徽猷閣直學士高
宗卽位除知揚州劇賊張遇衆數萬屯金山
浩單騎與韓世忠造其壘說以逆順遇黨釋
甲降建炎二年金人逼揚州車駕南渡鎮江
浩請留爲江北聲援改江東安撫制置使兼
知江寧府苗傅劉正彥爲逆逼高宗避位浩

寓書張浚約會兵討賊將至平江張浚迂之
浩曰曩諫開邊幾死宦官之手承乏漕輓幾
陷腥羶之域今事不諧不過赤族爲社稷死
豈不快乎浚壯其言卽舟中草檄進韓世忠
爲前軍張俊翌之劉光世爲遊擊浩與浚總
中軍次臨平苗傅等拒戰浩披甲立水次督
世忠等破賊兵入城以浩守尙書右僕射中
書侍郎兼御營使改同中書門下平章事趙
鼎論其過浩求去除鎮南軍節度淮南民未

復業以浩兼宣撫張琪犯饒州衆五萬浩自
左蠡班師兵不滿萬郡人惶駭浩命其衆閻
臯姚端崔邦弼列陣以待琪犯臯軍臯力戰
端弼兩軍夾攻大破之拜少保尙書左僕射
同中書門下平章事兼知樞密院事時桑仲
在襄陽欲進取京城乞朝廷爲聲援浩乃大
議出師而自督軍北向除都督江淮荆浙諸
軍事開府鎮江辟文武士七十餘人崔增趙
延壽二軍從行次常州延壽軍叛又聞桑仲

已死遂不進引疾求罷詔還朝獨秉政屢請
興師復中原謂太祖取天下兵不過十萬今
兵有十六七萬矣比年韓世忠張俊陳思恭
張崇屢奏人有戰心天將悔禍又金人以中
原付劉豫三尺童子亦知其不能立國願睿
斷早定決策北向今之精銳皆中原人恐久
而消磨他日難以舉事辛炳論其罪遂爲鎮
南軍節度使明堂禮成進封成國公九年召
赴闕旣至以疾不能見未幾卒贈太師封秦

國公諡忠穆

呂抗頤浩子苗劉逼高宗避位頤浩至江寧會
監司議皆莫敢對抗曰主上春秋鼎盛二帝
蒙塵日望拯救其肯遽遜位於幼冲乎灼知
兵變無疑也頤浩卽遣人寓書張浚會兵討
賊

元

張簠字公文之賢子由國子伴讀仕至嘉議大
夫同僉太常禮儀院事卒贈通議大夫禮部

樂陽縣志 卷之六 人物
尚書追封清河郡侯諡孝穆才猷政績稱一
時名臣

張飛卿簠孫監察御史拜太醫院使累官至左
丞護軍封清河郡公秉身剛正不畏強禦

明

石友賢洪武間歲貢舉賢良方正任山西道監
察御史鯁直激揚不避權要小事則舉正大
事則糾劾一時權貴由之斂手

張燦由歲貢擢禮科給事中剛正敢言一時疏